



## Ebanjelizatzen duen herria

“**Elizbarrutia, familia bihurtzen da** ebanjelizatze-egitasmoberean bat egiten duenean; eta askotariko sentsibiltate eta estiloek batasuna aberastu egiten dute guztiok bat gatozen lehenetasunezko jarduerak daudenean”.

III. Ebanjelizatze-Egitasmoa (2018-2022)

**Bidera Goaz! / Salimos al encuentro**

### Egitasmoa 4 jardunbiderekin

1. Elkarte-sortzailea den Elizbarrutia
2. Jesusen mezuaren transmisioa
3. Fedea bizi eta ospatu
4. Fede aitortza eta gizarte konpromisoa Eliza samariar bezala

Aurreko kurtsoetan, 4. eta 1. jardunbideak lehenetsi genituen. 2021-22 kurtso honetan, aipaturiko horiek alde batera utzi gabe, 2. jardunbidea nabarmenduko dugu: Jesusen mezuaren transmisioa.

## 2.- Jesusen mezuaren transmisioa

### 'Ebanjelizatzen duen herria'

**Ebanjelizatzea**, eliz elkarteko kide guztiei dagokien zeregin eta misioa da. Nahiz eta, sarritan, mezu askok eta askok eliz elkartea eliz hierarkiara murriztu, Vatikanoko II. Kontziliotik aurrera, laikoek Elizaren bizitzan eta misio ebanjelizatzailean duten eginkizun eta misioak garrantzia hartu du. Beraz, gure Elizbarrutia osatzen duten pertsona guztien sen ebanjelizatzailea bultzatzeko deia egiten zaigu.

**Hitzaz eta egintzaz baliatuz**, Jesusen mezuaren iragarpen berri eta jarraitua ezinbestekoa dela antzematen dugu. "Jainkoaren Erreinua munduan presente egitea da ebanjelizatzea" (EG 176). Premiazkoa da, gure gizarte testuinguruan makina bat lagunek fedea bizi izan duelako eta orain fedetik urrunduta delako, eta Nazaretoko Jesusi buruz ezer entzun ez duten belau-naldiak ere badirelako. Baina gure iragarpena geure bokazio eta bizipenaren adierazpena da. Geure misioa da. Ez dugu harritu behar jendeak Jesusen eta bere mezuaren berri ez duela -gaitzetsi egiten duela esatea baino zuzenago dela uste dugujakitean. Geuri ere Paulo apostoluaren hitzak entzutea dagokigu Jaunaren agindua betetzeko akuilu bezala: "Nola sinetsi, haren entzuterik ez badute?" (Erm 10, 14).

**Hainbatek umetan ezagututako Nazaretoko Jesusen** irudiari eusten dio. Beren fedea haurtzaroko oroitzapenei erantzuten die, ez du bilakaerarik izan. Horregatik, Jesusen mezua gaur eta

hemen transmititzea, delako pertsona horiek direna eta bizi dutena gaurkotzea ere bada, edozein izanik ere bizi duten aldia fedearen bidean. Ebanjelioa jasotako opari handia da eta transmititzeko deia, gure garaiko inguruabar eta erronkak nor bere eginez.

**Jesusen mezuaren transmisioa** hainbat bidetatik egiten da. Askotariko arrazoiengatik, fedetik eta Elizatik aldendu izan diren pertsonengana garamatza hainbat bidek eta beste batzuek geure errealitatera bertara, fedea gure bizitzen osagai izan dadin. Guztiak ere, bere izenean jarduten duen elkarteetan Jesus eraginkor agertzen deneko ustetik garatzen dira (ik Mt 28, 19-20). Horregatik, fedearen transmisioaren ikuspuntutik, Elizbarrutiko Ebanjelizatze-Egitasmo honetan, **alderdi hauek bultzatu nahi dira:**

- 1. Entzute eta elkarrizketan iraun gure gizartearekin,** berebaniztasun ideologiko, kultural eta erlijiosoa aintzakotzat hartuz, bere irrika eta kezken interpelazioa onartuz.
- 2. Ezinbesteko bitartekoak eratu eta landu, Jesusen mezuaren lehen iragarpena gure gizarteko pertsonengana irits dadin.**
- 3. Familiak zaindu, entzun eta babestu,** gaur egun gizarteetan ikusten den aniztasuna kontuan hartuz (AL 200-258) eta fedearen transmisioan duten erantzukizunean lagunduz (AL 259-290).
- 4. Ebanjelioaren Berri Onaren gaurkotzean eta berri ematean aurrera egin,** “denona den etxea zaintzea” ahaztu gabe (ik. LS), sare sozialak eta komunikaziorako beste hainbat teknologia garatuz, eta hartzailleak zehaztuz: haurrak, gazteak, heldua, iragarpena “urrundutakoak” deitutakoei...

**Elizbarrutiko egitura guztiez** –esate baterako, parrokiak, familia, ikastetxeak, gizartearekiko hartu-emanerako zentroak, gizarte erakundeak, kofradiak...– baliatuz garatuko ditugu fedearen transmisiorako apustu hauek.

“ Edozein garaitan eta tokitan lehentasunezkoa dugun egitekoa gogora ekarri nahi dut orain, «ezin da [eta] egiazko ebanjelizatzerik egon Jesus Jauna dela esplizituki hots egin gabe» ezta «ebanjelizatze ekintza guztietan Jesu Kristo aldarrikatzeak lehentasuna» ez badu ere [...] Ebanjelizatzea Elizaren zeregina da. Baina ebanjelizatzearen subjektua erakunde organiko eta hierarkiko bat baino gehiago da, Jainkoarengana erromes doan herri bat delako batez ere ”.

**Frantzisko Aita Santuak**

Ebanjelioaren poza / Evangelii gaudium 110-111



**DIO  
CĒ  
SIS+** Diócesis  
de Vitoria  
Gasteizko  
Elizbarrutia

[www.salimosalencuentro.org](http://www.salimosalencuentro.org)

[info@diocesisvitoria.org](mailto:info@diocesisvitoria.org)    